

Gvangjsih Minzcuz Bau

Cawiguenj: Gvangsijh Bouxcuengh Swcigh Minzcuz Cunghgvau Swvu Veijvenzvei

Cawjbanh: Gvangsijh Minzcuz Bause

Geiz neix 8 bani

广西民族报

Aenhauhokbanj: CN45-0036

B.2023

Nd.8 Ng.16

Liggaeuq gveijmaux nienz ndwencaet coit

Geizsoq: Gungh daih 3585 geiz

Canghraiz Gvangjsih Baez Nduj Ndaej Mauzdun Vwnzyozciengj 广西作家实现茅盾文学奖零的突破

8 nyied 11 hauh, Cunghgoz Cozgyah Hezvei haida(goengbough) gij gezgoj bingzsenj Gaiq Cib'it Mauzdun Vwnzyozciengj, gungh miz 5 bouh cozbij ndaej ciengj, bouh cozbij 《Doxhap》 youz Dunghsih boux canghraiz Gvangsijh raiz baenz de hix ndaej ciengj, neix dwg canghraiz Gvangsijh baez nduj aeundaen aen ciengj ceiq sang faenzhag Cungguk, canghraiz Gvangsijh baez nduj ndaej Mauzdun Vwnzyozciengj, dakdoz le gij loqsiengj canghraiz bangeqlaux ban-cungnienz bancozoiq Gvangsijh, hawj aen binjbaiz "Bingdohi Faenzhag Gvangsijh" lai najrongh raeuh, gya rengz lai ak hawj vwnzva seizdaih moq Gvangsijh mwnhoengh hwnghat.

Bouh sawcuenh raez 《Doxhap》 dwg Swcigh Dangjiveij Senhconzbu

guh aen gunghcwngz cauhsuh vwnzyoz yisuz ciuhneix laeng Gvangsijh ndawde aen hanghmoeg bangfuz ndeu, daj bi 2019 doxdaeuj gungh bangfuz le 109 aen doenghij hanghmoeg neix, doiok 800 lai gienh cozbij, miz 300 lai gienh ndaej ciengj guekgya gaep, ndaej guekgya okcienz bangfuz roxnaeuz ndaej senj bae langhbaiz, cozbij lailai, baenzsaeh lailai, ok rengz hawj Gvangsijh cauhsuh vwnzyi ndaej byongh hwnj dieg lai gvangq, bin hwnj bya lai sang.

Baez neix "Bingdohi Faenzhag Gvangsijh" ndaej ciengj hung, yinx-hwnj Gvangsijh vwnzdanz "fanjwng" haenq lai, hawj Gvangsijh com goeng-rengz ce, haebheuj laemxsim yaeuh guh ndei hongsaeh cauhsuh vwnzyi.

"Mauzdun Vwnzyozciengj laeb

ndaej 40 lai bi lo, raeuz Gvangsijh baez nduj ndaej aen ciengj neix, neix mboujdan dajheiq hawj 'Bingdohi Faenzhag Gvangsijh' lai maij haenq-rengz, hixdwg dajheiq hawj raeuz dieg minzcuz vwnznoix lai maij haenq-rengz. Gaxgonq doxdaeuj cungj dwg baenz-neix, Swcigh Dangjiveij, Cwngfuj bi beij bi lai okrengz bangfuz canghraiz cauhsuh cozbij vwnzyi maenhndei, ok baenzroix cwngcwz bangfuz cau cozbij nduj, yawjnaek cauhsuh binjbaiz vwnzva miz gij daegsaek Gvangsijh, neix cij hawj raeuz mizmbi mizdamj mbouj dingh mbouj duenh bae byongh hwnj dieg lai gvangq, bin hwnj bya lai sang. Vwnzyi yaeuh hwnghat, gangj daengz goekrag couhdwz yaeuh ok cozbij maenhndei, miz vwnzcaiz maenh'ak, raeuz itdingh

haenq-rengz caiq guh baenzsaeh lai lai dem."Dunghsih naeuz.

Mauzdun Vwnzyozciengj dwg Cungguk raeuz yiengh ciengj faenz-hag ceiq miznaj ndeu, youz Cunghgoz Cozgyah Hezvei cawjbanh, ciuq gij vah Mauzdun sienseng lij lix cix daengq ce, hawj vwnz lai maij okrengz cauhsuh sawcuenh raez maenhndei, doinyoengx gij faenzhag sevei cuji Cungguk de ndaej mwnhoengh cix cauhsuh, seiq bi bingzsenj mbat ndeu. Gaiq neix 4 bouh cozbij ndaej ciengj wng dwg 《Byanae Deih Gvangq》 youz Yangz Ciginh raiz, 《Raemxbauj》 youz Gyauz Yez raiz, 《Bwnjbah》 youz Liuz Liengcwngz raiz, 《Doz Diegguk Cien Leix》 youz Sunh Ganhlau raiz.

(Linz Seznaz Lij Yingdingz)

Sihlinz: Guh Ciet Bogfeiz Yizcuz Hawj Vunzlai Gak Cuz Doxcunz Doxhag Doxgyaux Ndei Lai Raeuh

西各族群
林众交往
：交流融
彝族火把
节增进

8 nyied 12 hauh, Sihlinz Yen youq Minzcuz Gvangjancz guh baenz-roix yienghsaeh Ciet Bogfeiz Yizcuz Sihlinz Bi 2023. Miz baenz fanh boux vwnz gak minzcuz doxcomz youq Minzcuz Gvangjancz, yawjngonz roxnaeuz doxcueq guh yienghsaeh soengq roeg-vaiqguhvaiqguh, cuk ceiz, ad'euj, dued bawxmoq, mad meijcauq coq naj, vanjvei dongfeiz daengj; caemh guh vwnzva minz-sug hunghoengh, doengz-caez angqvau, doxrox doxgyaux cix hawj vunzlai gak minzcuz doxcunz doxhag doxgyaux ndei lai raeuh.

(Vangz Yengin/黄燕群)



Caet Ndwen Gonq Gvangjsih Doiqrog Gai-cawx Haeuj Guek Ok Guek 3935.1 Ik Maenz

前7月广西外贸进出口 3935.1 亿元

Geij ngoenz gonq, dou cam Nanzningz Haijgvanh cix rox, Gvangjsih raeuz baengh vuzliuz baujsuiq, gaicawx iq henzguk, vwnz henzguk caeuq rogguk youq haw henzguk

doxgaicawx cungj hoenghwnj rengz-rwd vanzlij caeuq gij guekcwngzyenz RCEP, Cunghdungh, Feihcouh daengj guekgya guh doiqrog gaicawx demmaj vaiqviet daengj, bineix caet ndwen

gaxgonq, Gvangsijh doiqrog gaicawx haeuj guek ok guek 3935.1 ik maenz, beij bi'gvaq caemh duenh demmaj 34.4%. Ndawde, gai ok guek 1958 ik maenz, beij bi'gvaq caemh duenh

demmaj 37.2%; cawx haeuj guek 1977.1 ik maenz, beij bi'gvaq caemh duenh demmaj 31.8%.

(Loz Cing Liengz Yingj)